



## PRESIDÊNCIA DA REPÚBLICA

### KOMUNIKADU IMPRENSA

#### **PREZIDENTE-da-REPÚBLIKA PROMULGA ORSAMENTU JERÁL ESTADU 2018**

Palásiu Prezidensiál Nicolau Lobato, loron-27 fulan-Setembru tinan-2017

Prezidente-da-República Francisco Guterres Lú Olo promulga Lei No. 2/V Orsamentu Jerál Estadu 2018 hodi hakotu aplikasaun rejime duodésimál ne'ebé la'ó desde tinan kotuk.

Tuir Konstituisaun RDTL artigu 88 fó kbiit ba Prezidente-da-República atu iha prazu loron tolu-nulu nia laran promulga ka uza direitu veto ba diploma lejislativu ne'ebé simu husi Parlamentu Nasional iha loron-11 fulan-Setembru. Maski sei falta semana rua atu kompleta loron tolu-nulu tuir Konstituisaun haruka, Prezidente-da-República decide atu promulga antes.

Prezidente-da-República halo promulgasaun ba Orsamentu Jerál Estadu 2018 ho montante \$ 1.277,4 miloens ho razaun sira: laiha fundamentu ruma atu halo pedidu fiskalيزasaun preventiva, selu empreza atu kria kampu servisu atu hasa'e ekonómia iha rai-laran, fasilita estadu tama iha ezekusaun orsamentál normál hodi kumpre obrigasaun prioritárias hanesan sidadaun vulnerável, Veteranus, Bolsa da Mãe, tusan ba ospítal iha rai-li'ur no mina ba jeradór.

Biar nune'e, Prezidente-da-República hato'ó dezafiu sira ne'ebé hasoru ho promulgasaun Orsamentu Jerál Estadu. Prezidente-da-República levanta kapasidade ezekusaun ne'ebé ki'ik relasiona ho tempu limitadu tebes no taxa ezekusaun

For more information, please contact:

SOCIAL COMMUNICATION OFFICE FOR THE PRESIDENCY OF THE DEMOCRATIC REPUBLIC OF TIMOR-LESTE

Contact: Mobile:(+670) 77746223/ 77304491

orsamentu desde 2012-2017 kuaze pursentu 79 de'it, alokasaun orsamentu ne'ebé barak liu ba infraestrutura no ladun tau osan ba edukasaun no saúde. Alokasaun orsamentu makaas ba projetu Tasi Mane maski seidak hatene loloos saida mak sei akontese ho *Greater Sunrise*.

Prezidente-da-República husu atu orgaun kompetente sira atu hatoman-an gasta osan ho kuidadu hodi la repete prátika gastus la nesesáriu. Liuhusi investimentu di'ak mak bele lori Fundu Minarai laos de'it ba jersaun ohin lora mak goza maibé mós ba jersaun tuirmai.

Prezidente-da-República mós husu atu Governu halo ezekusaun despeza pública ho rigor tanba tempu ezekusaun ne'ebé badak tebes no previzaun makroekonómiku halo ho di'ak no tuir realidade, selu kotu tusan atu labele monu tan ba tusan seluk, harii Komisaun Inkéritu Parlamentar atu halo prosesamentu pagamentu bele tuir dalan ne'ebé loos, transparente no rigor, Governu no Parlamentu Nasionál hadi'ak kestaun normativa no regulamentár atu bele artikula ho di'ak liután Lei Fundu Minarai, Lei Orsamentu no Jestaun Finanseiru ne'ebé iha ligasaun ho reseitas.

Prezidente-da-República apela mós ba orgaun kompetente atu orsamentu iha futuru tenke iha ekilíbriu ho alokasaun justu entre desenvolvimento umanu no desenvolvimento fíziku no hatun graduál despeza labele boot liu reseitas, investimentu lori retornu sosiál no ekonómiku, hatuur as prinsípiu sustentabilidade Estadu no sociedade, hasa'e reseita doméstika ho hatun dependénsia ba Fundu Minarai.

Prezidente-da-República husu atu Parlamentu Nasionál hatene natureza meius modernu komunikasaun sosiál tanba halo análise no promulgasaun Lei Orsamentu Jerál Estadu nu'udar knaar konstitusionál Prezidente nia ne'ebé bele halo iha rai-laran no iha rai-li'ur durante viajen ofisiál ka traballu. Tanba ne'e, lalika uza argumentasaun ne'ebé ignora ka distorsa realidade ne'e.

**Rohan**

---

**For more information, please contact:**

**SOCIAL COMMUNICATION OFFICE FOR THE PRESIDENCY OF THE DEMOCRATIC REPUBLIC OF TIMOR-LESTE**

**Contact: Mobile:(+670) 77746223/ 77304491**